

Pol ndê bapia ñamata-ña têtj lau Tesalonika-ña Yom whê bapia dindéc sa-ña

Tesalonika inj malac atu dan nan yêc gamen Masedonia-ña. Pol inj ñgac ñamata-ña bu hoc ñawaê ñayham asê yêc Tesalonika (Apo 17:1-9). Inj mbo whinj ñac bêc daêsam dom, ma lau Israel-ña nan sêkênj whinj Yisu dom yêc malac dau, nan sem lêmunj inj ma sêkênj kisa inj, dec inj kôlhô gi. Magoc lau Tesalonika-ña nan sic hu sêkênj whinj Pômdau, nan sêsap si sêkênj whinj dôj ñanğa, e ñawaê ñayham gi tiapa yêc gamenj honj dinanj (1:8).

Tinjambu Pol gauc gêm ñac ñapanj ma kêkinj Timoti bu mbo whinj ñac ma êndôhônj ñac, ma bu lic ñac sêmbo ñalênj bocke (3:1-5). Ma Timoti mbu têtj Pol gi tiyham, ma gic minj pi ñac si lêtj ñayham (3:6-10). Ñawaê dau kôm Pol tac ñayham sambuc, dec inj to bapia dindéc têtj ñac.

Pol to yom ñatô têtj lau Tesalonika-ña, bu puc ñac dôj bu sêsap mêtê ñayham dôj ma sêtimêtê dau ñapep. Inj whê lau batê si sêtisa ñalênj sa têtj ñac, bu nem malô ñac ma sêtanj lau nan sêmbac ndu su, nan ênlêc dom. Ma inj to yom pi mêtê ñayham-ñayham daêsam nanj gic lau sêkênj whinj-ña ñawaê.

Pol gic hu ndê bapia

¹ Aô Pol, ma Sailas lu Timoti, ato bapia dindéc têtj gôlôwac dabunj malac Tesalonika-ña, mac lau

naŋ akêŋ whiŋ Damaŋ Anötö lu Pômdau Yisu Kilisi. Pômdau ndê mwasiŋ ti yom malô têŋ mac hoŋ.

Pol tac ŋayham tu lau Tesalonika si mêtê-ŋga

² Tôm bêc hoŋ yac aŋeŋ mbec, ma am danŋe Anötö tu mac hoŋ-ŋga.

³ Têm hoŋ yac aŋeŋ mbec têŋ Damaŋ Anötö, naŋ yac gauc gêm mac nem mêtê ŋayham. Mac akôm gwelenŋ ŋayham tu mac nem akêŋ whiŋ-ŋga, ma akôm gêŋ daêsam bu anem akiŋ asidôwai, tu mac nem mêtê atac whiŋ lau-ŋga. Ma mac akêŋ batam bu Pômdau Yisu Kilisi oc mbu meŋ, dec mac alhac ŋaŋga eŋ.

⁴ O asidôwai naŋ Anötö tac whiŋ mac ndu andô. Yac aŋyalê su bu Anötö kêgalêm mac sa ati iŋ ndê.

⁵ Nahu bu têŋ ndoc yac ahoc ŋawaê ŋayham asê têŋ mac, naŋ yom dau meŋ ŋambwa dom, magoc meŋ ti Anötö ndê ŋaclai. Ma Nalau Dabuŋ puŋ ŋawaê dau dôŋ sip nem ŋalôm, e mac akêŋ whiŋ ŋaŋga eŋ. Ma mac daôm aŋyalê mêtê naŋ yac akôm, bu anem mac sa têŋ ndoc yac ambo awhiŋ mac.

⁶ Nawaypac daêsam tap mac sa, magoc Nalau Dabuŋ puc mac dôŋ, dec akôc ŋawaê ŋayham sa ti atac ŋayham atu. Nalêŋ dinaŋ mac apuc yac mba waŋaŋ, ma apuc Pômdau ndê waŋga bocdinaŋ.

⁷ Mac nem lêŋ dinaŋ ti dôhôŋ ŋayham, bu lau sêkêŋ whiŋ-ŋga yêc gameŋ Masedonia ti Akaya-ŋga hoŋ sêlic ma sêŋkuc.

⁸ Ma mac nem lêŋ ŋayham kôm Pômdau ndê ŋawaê ŋayham tiapa yêc gameŋ Masedonia-ŋga ma gameŋ Akaya-ŋga tawasê dom. Lau yêc gameŋ

hoŋ sêngô ŋawaê bu mac akêŋ whiŋ Anötö. Bocdinaŋ gitôm dom bu yac asôm yom dan bu awê mac nem lêŋ sa têŋ lau.

⁹ Lau dau sic miŋ yom hoŋ pi mac nem lêŋ ŋayham. Sic miŋ bu mac akôc yac sa ŋalêŋ ŋayham, ma mac ahu anötöi gwam siŋ, ma anem daôm kwi bu anem akiŋ Anötö naŋ Anötö ŋandô, ma mbo tali ŋapaŋ.

¹⁰ Ma kwahic dec mac akêŋ batam iŋ ndê Atu Yisu bu mbu akêŋ undambê meŋ. Iŋ Yisu naŋ Anötö uŋ iŋ sa akêŋ lau batê-ŋga. Yisu dau dinaŋ dec kêgaho yac su yêc Anötö ndê atac ŋandê, naŋ oc meŋ sa tiawê têŋ bêc ŋambu-ŋga.

2

Pol ndê gwelen yêc Tesalonika

¹ O asidôwai, mac aŋyalê bu yac ac mac kêsi ŋambwa dom, magoc gwelen naŋ akôm têŋ mac, naŋ ŋandô sa su.

² Mac aŋgô su bu têŋ ndoc yac ambo malac Pili-pai, naŋ lau sêpu ti sêkôm yac ŋayom daêsam. Ma têŋ ndoc yac ahôc asê mac nem malac Tesalonika, naŋ lau sêkêŋ kisa yac ŋaŋga bocdinaŋ. Magoc Anötö puc yac dôŋ, dec alhac ŋaŋga ma ahoc iŋ ndê ŋawaê ŋayham asê têŋ mac.

³ Yac alhac ŋaŋga ma akac mac bu akêŋ whiŋ Yisu, ŋahu bu yac aŋyalê bu yom naŋ yac ahoc asê, naŋ yom tasan dom, ma yac ameh ambo awhiŋ mac tu bu akôm mêtê sac me aŋsau mac-ŋga dom.

⁴ Mba! Yac aŋyalê bu Anötö gêlic yac atôm solop, dec kêŋ ŋawaê ŋayham sip yac aman. Ma bocdinaŋ yac ahoc ŋawaê ŋayham asê tu bu lau sêlic yac

ņayham-ņga dom. Mba! Yac akôm tu bu Anötö, naņ kēyalê yac neņ ñalôm e pi sa, naņ lic ñayham.

⁵ Mac aņyalê bu yac ambac yom mac dom. Ma Anötö dau kēyalê bu yom taņgatu gêņ-ņga daņ siņ dau yêc yac mba ñalôm dom.

⁶ Ma yac akôm tu bu mac me lau ñatô sêtoc yac mba waêņ sa-ņga dom.

⁷ Kilisi dau kēyalıņ yac sa ati †aposel, ma tu dinaņ-ņga dec gitôm bu yac oc taņkwê mac bu akêņ gêņ tu anem yac sa-ņga. Tigeņ yac atec bu akêņ ñawapac têņ mac, dec andac mac bu akêņ gêņ daņ têņ yac dom. Yac ambo awhiņ mac ti akôm gêņ malô, gitôm dinda daņ yob iņ ndê balêkoc.

⁸ Yac atac ñayham atu bu ahoc Anötö ndê ñawaê ñayham asê têņ mac. Magoc yac akêņ gêņ tigeņ dinaņ dom. Yac alic ñayham bu akêņ dauņ sambuc tu mac-ņga bocdinaņ. Ñahu bu yac atac whiņ mac ndu andô.

⁹ O asidôwai, gauc nem gwelenē naņ yac akôm yêc mac nem gameņ. Yac ambo awhiņ mac bu ahoc Anötö ndê ñawaê ñayham asê, magoc tôm ac ti ôbwêc yac akôm gwelenē atu whiņ, bu akôm kwanē dauņ-ņga. Yac atec bu akêņ ñawapac têņ mac, ma tu dinaņ-ņga dec yac akôm gwelenē dinaņ.

¹⁰ Mac lau naņ akêņ whiņ Yisu alic yac mba mêtê hoņ naņ akôm têņ ndoc yac ambo awhiņ mac, ma aņyalê bu yac akôm gêņ so daņ dom. Yac akôm mêtê gitêņ ti dabuņ eņ. Ma Anötö kēyalê yac mba mêtê hoņ whiņ.

¹¹ Mac aņyalê bu yac akôm mêtê ñayham têņ mac hoņ, gitôm damba daņ kôm têņ iņ ndê balêkoc.

¹² Yac am malô mac, ma aņgilí mac ti ac yomsu

mac bu anşêlêñ ti asa nem lêñ atôm Anötö ndê lau dabuñ solop. Bu inê kêgalêm mac sa bu asôc inê ndê ðgôlinê ñapu, ma bu atap inê ndê ñawasi atu sa.

Lau Tesalonika-ñga sêhóc ñawapac magoc sêlhac ñanğa

¹³ Ma yac am danđe Anötö tôm bêc hoñ, bu têtñ ndoc mac anğô inê ndê yom yêc yac, nañ mac akôc sa gitôm ñamalac si yom ñambwa dom. Mba! Mac anğyalê ñapep bu Anötö ndê yom solop, ma bocdinanê dec mac akôc sa. Ma kwahic dec yac anğyalê bu yom dau kôm gwelenê yêc mac nem ñalôm.

¹⁴ Nahu bu mac daôm nem lau nañ sêkêñ whin dom, nañ sêkêñ ñawapac daêsam têtñ mac, magoc yac alic bu mac alhac ñanğa. O asidôwai, ñalêñ dinanê mac anğkuc Anötö ndê gôlôwac dabuñ nañ sêmbo gameñ Judia-ñga, nañ si lêñ. Bu ñac dau si lau Israel-ñga sêkêñ ñawapac têtñ ñac tu sêkêñ whin Yisu Kilisi-ñga.

¹⁵ Anğô su nañ! Muñ-ñga lau Israel-ñga dau sic Anötö ndê lau propet ndu, ma ñasawa lec ñac sic Pômdau Yisu ndu, ma sêsoc yac su yêc ñac si gameñ. Nac si lêñ dinanê Anötö gêlic sac. Ma ñac sêkêñ kisa lau yêc gameñ hoñ,

¹⁶ bu ñac sêkôm bu sêlhac yac mba gwelenê ñawaê ñayham-ñga ahuc e yac atôm dom bu ahoc yom asê têtñ ðlau gameñ apa-ñga pi Anötö ndê lêñ nem ñac si-ñga. Bocdinanê sac nañ ñac sêkôm, nañ kêsôwec tiatu ñapanê, ma ñac sic waê bu sêtap Anötö ndê tac ñandê atu sa.

Pol tac whin bu lic lau Tesalonika-ñga tiyham

¹⁷ O asidôwai, lau nañ sêkêñ kisa yac, nañ sêkac yac su ambo ahê mac ñasawa apê lec. Yac anğôn

mba, magoc yac gauc gêm mac napan, ma yac atac whiñ kêlêc bu alic mac tiyham.

¹⁸ Yac atac whiñ bu ambu aloc, ma aö Pol kasahê tidim daêsam bu waloc, tigen Sadan kalhac yac ahuc.

¹⁹ O lauhac! Têñ ndoc Pômdau Yisu bu mbu meñ, nan yac lau aposel oc akêñ batan gêñ sake? Ma gêñ sake oc kôm yac atisambuc? Ma ñaöli ñayham bocke oc po yac sa yêc Yisu anjô-ñga? Aö wasôm têñ mac! Mac lau daôm dinañ.

²⁰ Yomandô! Mac daôm ati yac mba waêñ ti atac ñayham ñahu.

3

Pol kêñ Timoti têñ malac Tesalonika gi

¹ Yac mba ñalôm kac yac ñandô bu alic mac. Magoc atap señ dan sa dom. Bocdinañ yac alic ñayham bu ambo malac Atens,

² ma ankiñ Timoti têñ mac goloc. In yac neñ asidôwa dan, nan kôm Anötö ndê gwelen ma hoc Kilisi ndê ñawaê ñayham asê whiñ yac. Yac ankiñ in têñ mac goloc, bu puc mac dôn ma êñgilí mac bu asap nem akêñ whiñ dôn ñanğa.

³ Yac ahêgo daun bu mboe ñawapac nan tap mac sa, nan oc kôm mac nem lau ñatô sêhu si sêkêñ whiñ siñ. Magoc mac anyalê su, bu ñawapac kain dinañ gic waê yac lau dakêñ whiñ-ñga.

⁴ Gauc nem bu têñ ndoc yac ambo awhiñ mac, nan yac asôm asê têñ mac tidim daêsam, bu kisa oc tap yac sa. Ma yac mba yom dinañ, kwahic dec ñandô sa su.

⁵ Aö gahêgo daun bu mboe Sadañ êntôm mac e gwelen nan yac akôm têñ mac, nan oc ñandô mba. Gauc dinañ kôm aö ñalôm ñawapac ñapañ, dec kakinñ Timoti bu lic mac ma kêñ ñawaê têñ aö bu mac asap nem lêñ akêñ whiñ-ñga dôñ, me ahu siñ su.

Pol tac ñayham têñ ndoc iñ ñgô Timoti ndê yom

⁶ Ma kwahic dec Timoti mbu meñ hôc asê aö, ma kêñ puc ñayham pi mac nem lêñ akêñ whiñ Pômdau ti atac whiñ lau-ñga. Ma iñ sôm bu mac gauc gêm yac ti atac ñayham ñapañ, ma atac whiñ bu alic yac tiyham, tôm yac atac whiñ bu alic mac tiyham bocdinañ.

⁷ O asidôwai. Yac dec ambo ti ahôc ñawapac daêsam, ma lau sêkêñ kisa yac ñapañ. Tigenñ kwahic dec yac añgô bu mac akêñ whiñ ñaŋga ambo, ma ñawaê dau puc yac dôñ ma kôm yac ñalôm tighatô.

⁸ Kwahic dec yac añyalê bu mac asap Pômdau dôñ ma ahu iñ siñ dom, dec ambo ti atac ñayham sambuc.

Pol tenñ mbec tu lau Tesalonika-ñga

⁹ Yac mba atac ñayham tu mac-ñga gêm yac mba ñalôm ahuc têñ ndoc yac atenñ mbec yêc yac neñ Anötö añgô-ñga. Yac atac whiñ ñandô bu anem danje iñ tu mac-ñga, madec oc akôm andic ñawaê.

¹⁰ Tôm acsalô ti ôbwêc yac atenñ mbec ñaŋga, ma andac Anötö bu tôc señ danñ têñ yac bu alic mac tiyham. Yac atac whiñ bu atêñ mac aloc, ma awê mac nem gauc sa tiyham pi Anötö ndê yom ñatô, bu apuc mac nem akêñ whiñ dôñ.

¹¹ Yac andac Damañ Anötö lu yac neñ Pômdau Yisu bu sêmasañ señ bu yac atêñ mac aloc.

¹² Ma yac aten mbec tu mac-nga bocdec bu. Pômdau êmwasiñ mac e mac nem mêtê atac whiñ asidôwai sêkêñ whiñ-nga êñsôwec tiatu. Ma mac atac whiñ lau hoñ bocdinañ, e mac nem mêtê atac whiñ-nga êñsalê mac ahuc, tòm yac atac whiñ mac.

¹³ Ma iñ puc mac nem ñalôm dôñ bu asa Anötö ndê lêñ eñ, e Pômdau Yisu mbu meñ whiñ iñ ndê añela ti lau dabuñ hoñ. Bocdinañ têñ ndoc mac alhac Damañ Anötö añgô-nga, nañ iñ oc lic mac bu lau dabuñ ma mac nem giso mbasi.

4

Tañkuc lêñ nañ Anötö tac whiñ

¹ O asidôwai, yac mba yom ñambu-nga têñ mac bocdec. Lêñ gitêñ nañ Anötö gêlic ñayham, ma yac andôhôn têñ mac su, nañ mac akôm ambo. Ma kwahic dec yac bu aten mac tu Pômdau Yisu ndê ñaê-nga, bu asap lêñ dau dôñ ñapañ, ma akôm tiatu-tiatu ndi.

² Bu yom hoñ nañ yac andôhôn têñ mac am Pômdau Yisu añgô, nañ mac añyalê su.

³ Ma lêñ nañ Anötö tac whiñ, nañ bocdec. Asa nem lêñ solop e ati lau dabuñ ñandô. Ma andic ahê mêtê mockaiñ-nga tidau-tidau.

⁴ Anötö kêmasañ lêñ ñayham ma dabuñ bu awhê lu ñgac sêmbo sêwhiñ dau, dec mac lau tigen-tigen ayob daôm bu asa lêñ dau ñapep eñ.

⁵ Yomandô! Akôm mêtê ñalôm ñagalac-nga tòm lau sambuc dom, bu ñac sêñyalê Anötö dom.

⁶ Ayob ñapep bu mac nem dañ kôm mêtê mockaiñ-nga whiñ asidôwa dañ ndê awhê dom. Yac

asôm asê ti akêñ puc mac muñ su, bu Pômdau oc kênñ ñagêyô têtñ lau pi sac kainñ dinanñ honñ.

⁷ Anğô! Anötö kêgalêm yac sa bu dasa lêtñ ñadômbwi dom. Mba! Inñ kêgalêm yac sa bu dasa lêtñ dabunñ eñ.

⁸ Yom dindec meñ akêñ Anötö, nanñ kênñ ndê Njalau Dabunñ sip mac nem ñalôm. Bocdinanñ asa nanñ sôc yom dau ñapu dom, nanñ tec ñamalac si yom dom, inñ tec Anötö dau ndê yom bocdinanñ.

⁹ Anötö dau kêdôhônñ mac pi mêtê atac whinñ asidôwai-ñga, ma bocdinanñ dec yac gauc gêm bu ato yom têtñ mac pi mêtê dau dom.

¹⁰ Bu yac anyalê su bu mac atac whinñ asidôwai sêkênñ whinñ-ñga honñ nanñ sêndöc gameñ Masedonia-ñga. Kwahic dec yac bu asôm têtñ mac bu asap mêtê dau dônñ ñapanñ eñ, ma akôm tiatu-tiatu ndi.

¹¹ Akêñ nem gauc ti atac whinñ sambuc bu asa nem lêtñ malô. Gauc nem gêtñ nanñ gic mac ñawaê solop, ma aunñ lau ñatô si yom sa dom. Ma anem gwelenñ bu akôm kwam daôm-ñga, tôm yac asôm têtñ mac su.

¹² Akôm bocdinanñ bu akêñ ñawapac têtñ lau ñatô tu sênem mac sa-ñga dom. Ma lau nanñ sêkênñ whinñ Yisu dom, nanñ oc sêlic mac nem mêtê dinanñ, ma sêtoc mac nem lêtñ sa.

Lau batê oc sêtisa tiyham

¹³ O asidôwai, yac atac whinñ bu awhê mac nem gauc sa pi lau nanñ sêmbac ndu su. Yac atec bu mac atanñ danğibo atu tu ñac-ñga, gitôm lau nanñ sêkênñ whinñ Yisu dom, nanñ sêtanñ. Lau dau sêtanñ danğibo

atu, n̄ahu bu sêkêḅ bata bu lau batê oc sêtisa tiyham dom.

¹⁴ Tigeḅ yac dakêḅ whiḅ bu Yisu mbac ndu ma tisa tiyham, ma tu dinaḅ-ḅga dec yac dakêḅ whiḅ bu lau naḅ sêkêḅ whiḅ iḅ ma sêmbac ndu su, naḅ Anötö oc uḅ ḅac sa têḅ ndoc Yisu mbu meḅ.

¹⁵ Pômdau dau sôm têḅ yac, ma kwahic dec yac ahoc iḅ ndê yom asê têḅ mac bocdec bu. Têḅ ndoc iḅ mbu meḅ, naḅ iḅ oc kôc yac lau naḅ dambo taḅli, naḅ sa muḅ dom. Iḅ oc kôc lau naḅ sêmbac ndu su, naḅ sa muḅ.

¹⁶ Anötö oc ndic atu yom ti ḅaḅga, ma aḅela ḅamata-ḅga oc mbwêc aw̄ha atu, ma Anötö ndê dahuc oc taḅ, goc Pômdau oc sip akêḅ undambê meḅ. Ma lau naḅ sêkêḅ whiḅ Kilisi ma sêmbac ndu su, naḅ oc sêtisa sêmuḅ.

¹⁷ Goc Anötö oc kôc yac lau naḅ dambo taḅli, naḅ sa dapi lôlôc dandi dawhiḅ ḅac, ma yac hoḅ oc datap Pômdau sa yêc dao ḅalôm. Ma yac oc dambo dawhiḅ iḅ ḅapaḅ eḅ.

¹⁸ Bocdinaḅ, asôm yom dindec têḅ daôm, bu puc mac dôḅ ma ndic malô mac nem ḅalôm.

5

Pômdau ndê bêc mbu meḅ-ḅga

¹⁻² O asidôwai. Mac aḅyalê su, bu bêc Pômdau mbu meḅ-ḅga naḅ ḅapuc mbasi, tôm ḅgac kaḅ naḅ sôc andu têḅ ôbwêc. Bocdinaḅ yac gauc gêm bu ato yom têḅ mac pi têm ti bêc dom.

³ Lau ḅatô oc sêsôm yom bocdec bu, “Yac dambo têm ḅayham ma ḅawapac mba.” ḅac oc sêsôm yom kaiḅ dinaḅ sêmbo, ma ḅagahô eḅ bêc ḅambu-ḅga dau oc meḅ sa ma ḅac oc sêḅiḅga. Lau daḅ oc sêlhö

su tēm dinaŋ dom. Oc tēm awhê tidaê naŋ kêlhiŋ dau siŋ, magoc ŋandê tu kôc balêkoc-ŋga meŋ sa iŋ ŋagahô ŋambwa.

⁴ Magoc asidôwai, mac anyalê yom pi bêc ŋambu-ŋga dau su. Mac atôm lau naŋ sêmbô ŋasec ŋalôm, naŋ dom. Ma bocdinaŋ oc tôm dom bu bêc dau hóc asê mac gitôm ŋgac kaŋ e kôm mac asô.

⁵ Bu mac ati balêkoc ŋasec ti ôbwêc-ŋga dom. Mac hoŋ ati balêkoc ŋawê ti acsalô-ŋga.

⁶ Bocdinaŋ dambo datôm lau naŋ sêyêc bêc pu, naŋ dom. Mba! Dambo ti neŋ gauc ŋawa ma danem ali.

⁷ Bu lau naŋ sênôm bu ŋaŋga e si gauc timboloc ma sêyêc bêc pu ŋawahô, naŋ lau ŋasec ti ôbwêc-ŋga.

⁸ Magoc yac lau ŋawê-ŋga, ma bocdinaŋ dambo ti neŋ gauc ŋawa. Mêtê dakêŋ whiŋ-ŋga ma atac whiŋ lau-ŋga, naŋ dasap dôŋ ŋaŋga, gitôm ŋakwê siŋ-ŋga naŋ dasôc sac yac ŋabapo. Ma yac neŋ dakêŋ batan Anötö ndê mwasiŋ nem yac si-ŋga ŋa-ŋandô, naŋ gitôm guluŋ ain naŋ lau siŋ-ŋga sêuŋ.

⁹ Bu Anötö kêyalin yac sa bu dahôc iŋ ndê tac ŋandê dom. Iŋ kêyalin yac sa bu datap iŋ ndê mwasiŋ nem yac si-ŋga sa tu Pômdau Yisu Kilisi-ŋga.

¹⁰ Yisu mbac ndu tu yac-ŋga, ma bocdinaŋ yac bu dambac ndu me dambo tanli têtŋ ndoc iŋ mbu meŋ, naŋ tanjalê bu yac oc dambo tanli dawhiŋ iŋ.

¹¹ Tu dinaŋ-ŋga asôm yom ŋayham-ŋayham têtŋ daôm, ma apuc daôm dôŋ bu alhac ŋaŋga, tôm mac akôm ambo.

Yom ŋambu-ŋga

¹² O asidôwai. Yac bu andac mac bu atoc lau bata naŋ sêyob mac sem Pômdau aŋgô, naŋ sa ŋapep. Nac

sêkôm gwelenj atu tu sênem mac sa-nga, ma sem la mac tu bu mac asap lênj gitênj dônj enj.

13 Boc-dinañ atoc ñac sa ma atac whiñ ñac tu gwelenj atu nañ sêkôm tênj mac-nga. Ma mac hoñ ambo awhiñ daôm ti atac malô enj.

14 Asidôwai. Yac bu anem la mac bocdec bu. Akênj puc lau oyom bu sêndöc ñambwa dom. Lau nañ maya ti sêtöc dau, nañ anjilí ñac bu sêlhac ñaŋga. Ma anem lau gauc babalê ma lau licwalô mba, nañ sa. Akôc nem ñalôm dônj ma akôm mêtê malô tênj lau hoñ.

15 Lau bu sêkôm sac tênj mac, nañ dec mac hoñ ayob daôm bu aô dom. Mac lau akênj whiñ-nga akôm mêtê ñayham enj tênj daôm, ma tênj lau hoñ bocdinañ.

16 Tôm bêc hoñ ambo ti atac ñayham.

17 Ma atenj mbec ñapañ.

18 Anem danje Anötö tu gênj wapac me gênj ñayham bocke nañ tap mac sa-nga. Bu inj tac whiñ bu mac lau nañ akênj whiñ Yisu Kilisi, nañ anjuc lênj dinañ.

19 Ma asi Ñalau Dabuñ ndê ya ndu dom.

20 Inj bu kac lau ñatô bu sêhoc yom asê gitôm propet, nañ dec apu ñac si yom dom.

21 Anjahê gênj hoñ, ma asap ñayham dônj.

22 Ma andic ahê mêtê sac-sac hoñ.

23 Yac atenj mbec tu mac-nga bocdec bu. Anötö Yom Malô Ñadau ndic dabiñ mac ati lau dabuñ solop. Ma bocdinañ tênj bêc nañ Pômdau Yisu Kilisi mbu meñ, nañ Anötö oc tap sa bu mac nem giso mbasi, ma lic mac nem gatôm ti nem ñalôm ma ñamlic sambuc bu dabuñ.

²⁴ Yac akêñ whiñ bu Anötö, nañ kêgalêm mac sa, nañ oc ngô yac mba mbec ma kôm ñandô sa.

²⁵ O asidôwai, aten mbec tu yac-nga.

²⁶ Ma akam asidôwai hoñ anem yac añôñ tu Pômdau Yisu-nga.

²⁷ Yêc Pômdau añgô-nga, aö wandac mac bu asam bapia dindéc têñ asidôwai hoñ nañ sêmbô mac nem gamen.

²⁸ Pômdau Yisu Kilisi ndê mwasin têñ mac hoñ.

Anötö ndê Yom Lêṛsêṃ Wakuc
The New Testament in the Bukawa language of Papua
New Guinea
Nupela Testamen long tokples Bukawa long Niugini

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

PDF generated using Haiola and XeLaTeX on 18 Apr 2025 from source files dated 31 Aug 2023

545e5ca3-1e95-59e4-8380-93951e023cf7